



Aida trauma

MENYAKSIKAN
sendiri tragedi
pengeboman
keretapi bawah tanah
London pada 2005,
membuatkan Aida
Samira Azhari dihantui
peristiwa tersebut
hingga ke hari ini.



6 Semua penumpang dalam kereta tersebut terdengar bunyi letupan dan 30 saat selepas itu, asap tebal memasuki gerabak



MIRA berjinak-jinak dalam dunia peragaan.

Dickson. Kata arwah bapanya, penat belajar tapi akhirnya hendak duduk rumah menjaga anak.

Bagaimanapun, anak bongsu lima beradik itu tidak duduk diam. Dia tidak malu berniaga malah pernah menjual pelekat kepada rakan-rakan sekolah.

"Saya pernah kena maki hamun dengan orang yang berniaga di situ. Mereka marah kerana saya berniaga di situ tapi itu semua membuatkan saya lebih kuat.

"Sebenarnya saya tidak pernah menyesal berhenti kerja. Itu semua telah ditetapkan oleh Allah," ujar Mira yang kemudiannya mendapat peluang membuka sebuah butik pakaian di Seremban 2 yang diberi nama Aya Sophia.

Aya Sophia kata Mira, menyediakan pelbagai rekaan fesyen kasual, moden, jubah, dres, skirt dan sebagainya.

Jelas Mira lagi, jika ada peluang, dia ingin membuat label pakaian sendiri dan kini sedang mula mengumpul modal ke arah itu. Dia bertekad untuk mempunyai label sendiri seawal tahun 2015.

Terlibat sebagai model

Cerita Mira, waktu itu dia pergi mengambil stok pakaian di Yans Creation di Kenanga Wholesale City. Pemilik butik tersebut, Yani Bachtiar kemudian mempelawanya menyertai pertandingan Hari Ibu.

Mira menolak kerana ketika itu badannya masih berisi. Namun Yani menyuruh mencuba dan dia menang tempat pertama pertandingan tersebut yang disertai bersama anak sulungnya dengan memenangi hadiah wang tunai sebanyak RM1,000.

Dari situ, Mira terfikir bahawa dia dapat mengumpul wang dengan menjadi model sambilan.

Bagi melengkapkan diri, dia mempelajari sendiri cara bergaya melalui majalah dan televisyen.

Membesarkan anak-anak sendirian

Walaupun sibuk dengan perniagaan dan peragaan, Mira tidak melupakan tanggungjawabnya sebagai seorang ibu.

Membesarkan anak-anak sendirian, dia memberikan sepenuh komitmen bermula awal pagi lagi.

"Pukul lima pagi saya sudah bangun menyiapkan sarapan anak-anak ke sekolah. Saya pastikan anak-anak makan dua biji telur setengah masak setiap seorang dan minum segelas susu sebelum mereka ke sekolah.

"Saya tidak mahu mereka lapar ke sekolah. Mereka sekolah sampai petang. Malam saya masak sendiri dan kadang-kadang mak tolong masak. Mak banyak menolong saya dan saya berterima kasih dengan mak," kata Mira yang tidak mempunyai pembantu rumah.

● Pakaian:
YANS CREATION,
LOT 5.58, TINGKAT 5,
KENANGA WHOLESALE
CITY, JALAN GELUGOR,
KUALA LUMPUR
Solekan: **SHERRY**
(013-3688543)

Nyaris jadi mangsa bom

Keretapi bawah tanah yang dinaiki terbabit dalam tragedi pengeboman di London

Oleh **MERAN ABU BAKAR**
Gambar **NOOR AZLINA JAAFAR**

GAYANYA bersahaja seperti seorang model berpengalaman apabila beraksi di depan kamera. Dia tidak perlu diajar dan bijak bertukar gaya serta senyuman apabila diminta oleh jurugambar walaupun boleh dianggap masih mentah dalam dunia peragaan.

Aida Samira Azhari, muka baharu dalam dunia peragaan mahu mencuba nasib dalam dunia fesyen Muslimah tanah air.

Pakej yang dimiliki, wajah elita, senyuman menawan, ketinggian bak seorang model, bakat peragaan dan bijak dalam akademik akan memudahkan lagi langkah wanita muda ini.

Berasal dari Rembau, Negeri Sembilan, Aida Samira atau ringkas dengan panggilan Mira, merupakan lulusan Ijazah Perakaunan dari Universiti Putra Malaysia (UPM).

Berpengalaman bertugas sebagai juruaudit di firma audit antarabangsa, Ernst & Young di Kuala Lumpur, sebelum dia dihantar bertugas ke London oleh firma itu selama dua tahun.

Pulang ke Malaysia, Mira menimba pengalaman pula sebagai penasihat perniagaan bersama Malaysia Airport Berhad (MAB).

Mengenang kembali pengalaman sebagai wanita Melayu bertudung yang bekerja di London, Mira berkata, memang ada pengalaman manis dan pahit bekerja di negara orang.

"Bekerja di sana seronok kerana tidak ada waktu bertugas yang panjang. Pejabat di sana mengikut waktu bekerja biasa. Perkauman pun tidak ada cuma apabila berjumpa pelanggan di luar London, terdapat sedikit pandangan skeptikal.

"Mereka tidak mesra dan saya pernah ditegur kerana memakai tudung. Sebenarnya cuma di pekan-pekan terpencil sahaja yang masih wujud pandangan sebegini," kata Mira yang merupakan akauntan bertauliah dan berdaftar dengan Malaysian Institute of Accountants (MIA).

Pengeboman London

Di sebalik pelbagai pengalaman tersebut, satu peristiwa yang meninggalkan trauma dan masih kuat terpahat di fikiran hingga sekarang apabila Mira nyaris terbabit dalam tragedi pengeboman London pada 7 Julai 2005.

Menurut Mira, ketika kejadian pengeboman itu, dia dalam perjalanan hendak ke tempat kerja dan berada dalam keretapi yang sama cuma berada di gerabak berbeza.

"Semua penumpang dalam keretapi tersebut terdengar bunyi letupan dan 30 saat selepas itu, asap tebal memasuki gerabak. Pengumuman yang dibuat hanya mengatakan terdapat masalah teknikal. Kami diminta menunggu dalam keretapi.

"Selepas dua jam, kami keluar dan melihat gerabak di tengah sudah hancur berkecai. Mayat-mayat bergelimpangan dan ada yang hancur. Memang dahsyat. Saya tak pernah tengok mayat berkecai macam itu sekali.

"Apabila keluar dari terowong, terdengar cakap-cakap orang yang mengatakan London telah diserang. Saya berjalan kaki terus pulang ke rumah. Saya memang bersyukur sangat kerana terselamat," kata Mira yang ketika itu anak sulungnya baru berumur setahun.

Berhenti kerja

Menurut ibu kepada tiga orang anak, Arianna, 10, Aariz Aryan, 8, dan Alyssa, 4, itu, semasa anak keduanya berumur setahun lebih, dia berhenti kerja kerana merasakan masanya begitu terhad untuk anak-anak.

Keputusannya untuk berhenti kerja memang tidak dipersetujui oleh arwah bapanya, Allahyarham Datuk Azhari Hamzah, bekas Ahli Dewan Undangan Negeri (ADUN) Pasir Panjang, Port

Mengenai Aida Samira

- Hobi - melancong, setakat ini pernah ke Amerika Syarikat dan Eropah.
- Teringin menunaikan umrah.
- Suka fesyen yang ringkas dan elegan boleh dipakai untuk pelbagai majlis.
- Pernah menjadi model pentas Festival Fesyen Islam (IFF).
- Boleh hubunginya di facebook Mira Azhari

AIDA SAMIRA AZHARI